

CROESO I lythyr newyddion Cyntaf Panel Dinasyddion Sir Gaerfyrddin 'Llais Sir Gâr'

Carmarthenshire
Voice

Llais
Sir Gâr

Mae Panel Dinasyddion Sir Gaerfyrddin yn fenter gyffrous o ymgynghori a ddatblygwyd mewn partneriaeth gan Gyngor Sir Gaerfyrddin, Heddlu Dyfed-Powys a Grŵp Iechyd Lleol Sir Gaerfyrddin. Fe'i sefydlwyd fis Ebrill 2001 mewn cydweithrediad â chwmni ymchwil cymdeithasol annibynnol, Opinion Research Services (ORS). Mae'r Panel yn cynnwys 1,200 o drigolion y sir sydd i bob pwrpas yn cynrychioli poblogaeth Sir Gaerfyrddin, sydd wedi cytuno i gymryd rhan mewn ymchwil bellach.

DIBEN Y PANEL DINASYDDION

Dymunwn wrando ar eich barn am y gwasanaethau a'r materion sy'n effeithio arnoch yn eich bywyd pob dydd. Rydym oll yn ymrwymedig i wella ein gwasanaethau gan geisio sicrhau eu bod yn ateb eich anghenion a'ch disgwyliadau.

Bydd y farn a fynegir yn Llais Sir Gâr yn cael cylchrediad eang drwy'r partner sefydliadau, a bydd yn gymorth i sefydlu 'banc' o wybodaeth am farn pobl Sir Gaerfyrddin. Bydd yn galluogi olrhain agweddau a safbwyntiau dros gyfnod o amser, ac ymchwilio i farn defnyddwyr gwasanaethau penodol yn ogystal â barn y rhai nad ydynt yn defnyddio'r gwasanaethau hynny.

PAM 'LLAIS SIR GÂR?'

Yn yr arolwg recriwtio a lenwoch yr haf diwethaf, gofynnwyd i chi ddewis yr enw a ffafriwyd gennych ar gyfer y Panel o blith rhestr o bedwar.

Dewisodd mwy na hanner o'r rhai a ymatebodd (51%) yr enw 'Llais Sir Gâr',


dewisodd 25% 'Barn Sir Gaerfyrddin',

dewisodd 15% 'Sir Gaerfyrddin yn Ymgynghori'

a dewisodd 9% 'Sir Gaerfyrddin yn Siarad'.

MANYLION AM BANEL DINASYDDION SIR GAERFYRDDIN

- 1,200 o aelodau, 620 yn fenywod a 580 yn ddynion.
- Mae'r aelod ieuengaf o'r Panel yn 17 a'r hynaf yn 95.
- Mae 83% o aelodau'r Panel wedi bod yn byw yn Sir Gaerfyrddin am dros 10 mlynedd ac mae 2% wedi bod yn byw yma am llai na blwyddyn.
- Nododd 38% o aelodau'r Panel bod rhywun yn eu cartref yn dioddef o salwch tymor hir, anabledd neu lesgeidd.
- Mae 15% o aelodau'r Panel ag un plentyn o leiaf yn eu cartref sy'n mynychu ysgol gynradd yn Sir Gaerfyrddin, a 16% ag un plentyn o leiaf yn mynychu ysgol uwchradd yn Sir Gaerfyrddin.
- Mae 49.4% o aelodau'r Panel Dinasyddion yn siarad Cymraeg, 43.6% yn darllen Cymraeg a 33.8% yn ysgrifennu Cymraeg.



PANEL DINASYDDION SIR GAERFYRDDIN

Derbyniwyd 902 o atebion gennym i'r arolwg hwn oedd yn gyfradd ymateb o 75%

Adolygiadau Gwasanaeth Gwerth Gorau Cyngor Sir Caerfyrddin - A ydych yn cael Gwerth Gorau?

Menter gan y Llywodraeth yw Gwerth Gorau sy'n ei gwneud yn ofynnol bod gwasanaethau yn cael eu darparu yn ôl safonau clir - o ran costau ac o ran safon - ac yn ôl y modd mwyaf effeithiol, economaidd ac effeithlon posibl.

Wrth gynnal Adolygiadau Gwerth Gorau, rhoddir pwyslais arbennig ar sicrhau bod y cyhoedd yn gyffredinol yn cymryd rhan drwy ymgynghori. Un o'r ffyrdd y gwnawn hyn yw drwy "Llais Sir Gâr".

Ar ddiwedd pob adolygiad pennir targedau manwl ar gyfer gwelliant parhaus yn y gwasanaeth. Mae'r targedau hyn yn cael eu hymgorffori mewn cynllun gweithredu sy'n

nodi'r camau a gymerir i sicrhau y gwireddir y targedau. Mae'r Cynllun Gweithredu hefyd yn cynnwys mecanwaith ar gyfer monitro ac adolygu'r targedau.

Mae Gwasanaeth Arolygu y Comisiwn Archwilio yn arolygu adolygiadau'r Awdurdodau i sicrhau bod y gwasanaethau yn cael eu rhedeg yn dda a gweld ble mae lle i wella. Ar ddiwedd pob arolwg cyhoeddir adroddiad. Mae'r adroddiad hwn yn nodi rhagoriaethau a gwendidau'r gwasanaeth a'r camau sydd angen eu cymryd i wella'r gwasanaeth.

Yn Arolwg 1 gofynnwyd am eich barn ar y gwasanaethau canlynol sy'n cael Adolygiad Gwerth Gorau:

- Gwasanaethau Eiddo
- Gwasanaethau Democraidd
- Gwasanaeth Twristiaeth
- Gwasanaethau Bwrdeistrefol
- Refeniw
- Gwasanaethau Etholiadol
- Cynnal a Chadw Ffyrdd
- Trwyddedu
- Gwasanaethau Diwylliannol
- Rheoli Datblygu a Gorfodaeth
- Anabled Dysgu a Gwasanaethau i'r Henoed

Camau Gweithredu

Mae eich barn a'ch sylwadau wedi'u dosbarthu i'r gwahanol wasanaethau perthnasol o fewn Cyngor Sir Caerfyrddin ac maent bellach yn gweithio ar eu Cynlluniau Gweithredu. Bydd crynodebau o'r Adolygiadau Gwasanaeth Gwerth Gorau a'r Cynlluniau Gweithredu yn cael eu cyflwyno i Bwyllgor Craffu perthnasol Cyngor Sir Caerfyrddin dros yr ychydig fisoedd nesaf yma. Byddwn yn rhoi gwybod i chi am ganlyniadau Arolwg 1, a pha gamau a gymerwyd yn sgîl Adolygiadau Gwerth Gorau mewn llythrau newyddion "Llais Sir Gâr" yn y dyfodol.

Carmarthenshire
Voice



Llais
Sir Gâr

AROLWG PANEL 2 (Hydref - Tachwedd 2001)

Derbyniwyd 807 o atebion gennym i'r arolwg hwn oedd yn rhoi cyfradd ymateb o 67%

Diogelwch Cymunedol

Fel rhan o'r Ddeddf Troseddu ac Anhrefn, mae heddluoedd ac awdurdodau lleol yn gweithio gyda'i gilydd mewn partneriaeth i ostwng lefelau troseddu a dychryn troseddu, ac i wella diogelwch ledled y gymuned. Fel rhan o'r ymdrechion hyn, mae'r partneriaid yn cynhyrchu strategaeth tair blynedd ar sut i ostwng troseddu ac anhrefn.

Mae rhan o'r strategaeth hon yn dod o ddadansoddiad manwl o ystadegau troseddu ac ystadegau eraill, ond mae rhan hefyd yn dod o farn y gymuned.

Bydd Cyngor Sir Caerfyrddin a Heddlu Dyfed-Powys yn defnyddio canlyniadau ymatebion "Llais Sir Gâr" i'w helpu i lywio'r ffordd y byddwn yn mynd i'r afael â materion diogelwch cymunedol dros yr ychydig flynyddoedd nesaf yma. Mae dogfen ymgynghorol (Archwiliad Troseddu ac Anhrefn) ar fin cael ei chwblhau, a bydd y strategaeth lawn ar gael fis Mehefin 2002. Bydd yr ymgynghori a wnaed drwy "Llais Sir Gâr" yn help i ffurfio blaenoriaethau a pholisïau yn y strategaeth hon.

- Gofynnem nifer o gwestiynau i chi am ddiogelwch cymunedol, gan gynnwys pa mor bryderus yr oeddech am rai materion neilltuol. Dywedoch wrthym eich bod yn fwyaf pryderus am y canlynol:


- Ceir yn goryrru**
(roedd 79.8% naill ai yn eithaf pryderus neu yn bryderus iawn)
- Sbwriel a gwastraff**
(roedd 76.1% naill ai yn eithaf pryderus neu yn bryderus iawn)
- Delio mewn cyffuriau**
(roedd 69.9% naill ai yn eithaf pryderus neu yn bryderus iawn)
- Yfed dan oedran**
(roedd 63.9% naill ai yn eithaf pryderus neu yn bryderus iawn)

- Gofynnem pa mor ddiogel y teimlwch yn yr ardal lle'r ydych yn byw yn ystod y dydd ac ar ôl iddi nosi.

Dywedoch...

YN YSTOD Y DYDD

dywedodd 93.5% eu bod yn teimlo'n ddiogel




AR ÔL IDDI NOSI

dywedodd 71.7% eu bod yn teimlo'n ddiogel




Yn eich ardal leol, a ydych o'r farn bod safon byw ar y cyfan wedi gwella, wedi gwaethygu neu wedi aros yr un fath dros y 12 mis diwethaf?

- Dywedodd y mwyafrif ohonoch (80.2%) bod safon byw ar y cyfan yn eich ardal leol wedi aros yr un fath yn y 12 mis diwethaf.



Sut yn eich barn chi y mae lefelau troseddu ac anhrefn yn eich ardal yn cymharu â'r cyfartaledd ym Mhrydain?

- Dywedodd dros dri chwarter ohonoch (75.2%) mewn ateb i gwestiwn bod lefel troseddu ac anhrefn yn eich ardal yn is neu lawer yn is o'i gymharu â'r cyfartaledd ym Mhrydain.



AROLWG TRI

Mae'r arolwg sy'n amgaeedig gyda'r llythyr newyddion hwn yn gofyn am eich barn am ddau fater sef pa mor hwylus yw cael cymorth/cyngor cyfreithiol, a chyfleusterau yn y llyfrgelloedd. I'n galluogi ni i barhau i wrando ar eich barn a gweithredu ar y farn honno, a fydddech gystal â llenwi arolwg tri a'i ddychwelyd yn yr amlen RHADBOST a ddarperir.

AROLYGN YN Y DYFODOL

Cynhelir yr arolwg nesaf yn ystod mis Mai 2002. Os oes unrhyw syniadau gennych am faterion i gynnal arolwg Panel Dinasyddion yn eu cylch, a fydddech gystal â llenwi'r cwestiwn perthnasol ar yr holiadur.

'LLAIS SIR GÂR' AR Y WE

Mae gwybodaeth am *Llais Sir Gâr* yn awr ar wefan Cyngor Sir Caerfyrddin. I gael golwg, ewch i www.sirgar.gov.uk a chwiliwch am Llais Sir Gâr.

ADBORTH

Mae diddordeb gennym mewn clywed eich barn am y llythyr newyddion hwn. I roi eich sylwadau ar y llythyr newyddion, a fydddech gystal â llenwi'r cwestiwn perthnasol ar yr holiadur.

Os oes unrhyw sylwadau gennych ar unrhyw agwedd ar y Panel Dinasyddion, a fydddech gystal â chysylltu â:

Ruth Lake

Cydgysylltydd Ymgynghori
Uned Gyfathrebu
Cyngor Sir Caerfyrddin
Neuadd y Sir
Caerfyrddin
SA31 1JP

Rhif ffôn:
(01267) 224469

Ffacs:
(01267) 221737

E-bost:
ymgynggori@sirgar.gov.uk

Da iawn chi am eich holl ymdrechion ar ran y tri sefydliad partner,
DIOLCH!

